АЖРИМ

(Даъво аризани кўрмасдан қолдириш тўгрисида)

Каттақўрғон тумани

2025 йил 23 январь

Каттақўрғон туманлараро иқтисодий судининг судьяси Ж.Юсупов раислигида, судья ёрдамчиси О.Алишеровнинг суд мажлиси котиблигида, Ўзбекистон фермер, деҳқон ҳўжаликлари ва томорқа ер эгалари Нарпай туман Кенгашининг "Иззат" фермер ҳўжалиги манфаатида жавобгар "HUMO AGRO PLATINUM" фермер ҳўжалигига нисбатан берган даъво аризаси асосида юритилган иқтисодий иш бўйича, Каттақўрғон туманлараро иқтисодий суди биносида ўтказилган очиқ суд мажлисида, даъвогар раҳбари Ж.Арзиев иштирокида кўриб чиқиб, қуйидагиларни

аниклади:

Ўзбекистон фермер, деҳқон хўжаликлари ва томорқа ер эгалари Нарпай туман Кенгаши (матнда Кенгаш деб юритилади) "Иззат" фермер хўжалиги (матнда даъвогар деб юритилади) манфаатида Каттақўрғон туманлараро иқтисодий судига даъво аризаси билан мурожаат қилиб, жавобгар "HUMO AGRO PLATINUM" фермер хўжалиги(матнда жавобгар деб юритилади)дан 2023 йил ҳосили учун кам тўланган 16 136 149 сўмни, 2024 йил учун 21 592 246 сўм ҳамда нотўғри ушлаб қолинган 45 984 360 сўм, жами 83 712 755 сўм ундиришни сўраган.

Даъвогар "Иззат" фермер хўжалиги судга 2025 йил 23 январдаги ариза билан мурожаат қилиб, Кенгашнинг даъвогар манфаатида жавобгарга нисбатан киритган даъво аризаси бўйича даъводан воз кечишини маълум қилган.

Суд мажлисига Кенгаш ва жавобгар вакил иштирокини таъминламади. Бундай холатда суд Ўзбекистон Республикаси Иктисодий процессуал кодекси (матнда ИПК деб юритилади) 170-моддасига асосан уларнинг ваикллари иштирокисиз кўришни лозим топди.

Суд мажлисида иштирок этган даъвогар вакили, даъво талабидан воз кечишини маълум килиб, аризани инобатга олиб, даъвони кўрмасдан колдиришни сўради.

ИПК 50-моддасининг учинчи қисмига кўра, давлат органи ва бошқа шахс томонидан даъвогарнинг ҳуқуқларини ҳимоя қилиш мақсадида тақдим этилган даъво аризасидан (аризасидан) даъвогарнинг (аризачининг) воз кечиши даъво аризасини (аризани) кўрмасдан қолдиришга олиб келади.

Шуниннгдек ИПК 107-моддасининг 8-бандига кўра, даъвогарнинг манфаатларини кўзлаб прокурор, давлат органи ва бошқа шахс томонидан такдим этилган даъводан даъвогар воз кечган бўлса суд даъво аризасини кўрмасдан қолдиради.

Кенгашнинг даъвогар манфаатида берган даъвосидан даъвогарнинг даъводан воз кечганлиги сабабли, суд ИПК 107-моддасининг 8-бандига асосан даъво аризасини кўрмасдан қолдиришни лозим топди.

Суд харажатларини даъвогар зиммасига юклашни, бирок Ўзбекистон Республикаси Президентининг 2017 йил 10 октябрдаги ПҚ-3318-сонли Қарорига асосан даъвогарнинг давлат божи тўловидан озодлигини, олдиндан тўланган 37 500 сўм почта харажатини зиммасида қолдиришни лозим топди.

Юқоридагиларга асосан ва Ўзбекистон Республикаси Иқтисодий процессуал кодексининг 107, 118-моддасига ва 195-моддасига асосан суд

ажрим қилди:

Ўзбекистон фермер, деҳқон хўжаликлари ва томорқа ер эгалари Нарпай туман Кенгашининг "Иззат" фермер хўжалиги манфаатида жавобгар "HUMO AGRO PLATINUM" фермер хўжалигига нисбатан берган даъво аризаси кўрмасдан қолдирилсин.

"Иззат" фермер хўжалигининг давлат божи тўловидан озодлиги инобатга олинсин, олдиндан тўлаб чикилган 37 500 сўм почта харажати зиммасида колдирилсин.

Ажримдан норози бўлган тарафлар бир ойлик муддат ичида Каттақўрғон туманлараро иктисодий суди орқали Самарқанд вилоят судига апелляция тартибида шикоят қилиниши (прокурор протест келтириш) мумкин.

Судья

Ж.Юсупов

